



Inatsisartunu ilaasortaq Hans Enoksen, Partii Naleraq

§ 37 naapertorlugu apeqqummut akissut pillugu 2016-mi aalisarnermi akitsuutit nutaat

09-06-2015
Sagsnr. 2015-1630
Dok. Nr. 361156

Aningaasaqarnermut Naalakkersuisoqarfik (AN) apequtissinnut qujavoq.

Postboks 1037
3900 Nuuk
Tlf. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

Inatsisartut suleriaasianni § 37 imm. 1 naapertorlugu 2016-mut aningaasanut inatsisisamut atatillugu nutaanik akitsuutinik eqqussisoqarnissaanut pilersaaruteqartoqarnersoq arlaleriarlutit apeqqutigaat.

1. Saarullinnut akitsuut qanoq annertutigissava? Avaataasiortunut aammalu sinerissami aalisartunut immikkoortillugu qanoq annertutigisumik isertitsissutigineqassappat?

Akissut: Avataasiortunut imaluunniit sinerissamut qanittumi saarullinnianut 2016-mi akitsuusersuisoqarnissaa naatsorsuutigineqanngilaq.

2. Nipisanniartunut akitsuut qanoq annertugissava? Aammalu qanoq annertutigisumik akitsuut sinerissami aalisartunik isertitsissutigineqassava?

Akissut: Sinerissamut qanittumi nipisanniartunut 2016-mi akitsuusersuisoqarnissaa naatsorsuutigineqanngilaq.

3. Suluppakkanut akitsuut qanoq annertutigissava? Aammalu qanoq annertutigisumik akitsuut sinerissami aalisartunit isertitsissutaassava?

Akissut: Sinerissamut qanittumi suluppaagarniartunut 2016-mi akitsuusersuisoqarnissaa naatsorsuutigineqanngilaq

4. Sinerissami qaleralinniarnermi akitsuut qanoq annertutigissava? Aammalu qanoq annertutigisumik akitsuut sinerissami aalisartunit isertitsissutaassava?

Akissut: Sinerissamut qanittumi qaleralinniartunut 2016-mi akitsuusersuisoqarnissaa naatsorsuutigineqanngilaq

5. Saattuarniartunut akitsuut qanoq annertutigissava? Aammalu qanoq annertutigisumik akitsuut akitsuut sinerissami aalisartunit isertitsissutaassava?

Akissut: Sinerissamut qanittumi assagiarsunniartunut 2016-mi akitsuusersuisoqarnissaa naatsorsuutigineqanngilaq

6. Aalisarnermut akitsuutissat 2016-imut eqqunneqartussat pillugit kikkut aalisarnermi ingerlataqartut oqaloqatigineqarpat? Aammalu ullui ilanngullugit kattuffiillu kikkut ataatsimeeqataasut ataatsimiinnerit paaserusuppakka.

Akissut:

Sinerissamut qanittumi aalisaarneq 2016-mi akitsuusersorneqassanngilaq taamaattumik sinerissamut qanittumi aalisartut kattuffiat toqqaannartumik suliamut akuutinneqanngilaq. Aningaasaqarnermut Naalackersuisoqarfiulli ilaatigut KNAPK ikiortigalugu sinerissamut qanittumi aalisarneq pillugu paasissutissanik katersinikuuvoq, aalisarnermut akitsuusersueriaatsit 2017-mi atuutilertussat naatsorsuutigineqartut sananeqarnerannut atatillugu. Aamma KNAPK ikiuunnikuuvoq ilaatigut sinerissamut qanittumi aalisarneq pillugu aningaasarsiornermut paasissutissanik katersisarneq pillugu nalunaarut nutaaq suliarineqarmat. KNAPK isumaqatigiissuteqarfigineqarnikuuvoq akuutinneqarumaartut aalisakkanut akitsuutinik ineriartortitsineri, sinerissamut qanittumi aalisarnerup 2017-miit akitsuusersuiffigineqalersinnaanera eqqarsaatigineqarmat. Ilanngullugu apeqquut 8-mut akissut matumani innersuussutigineqassaaq. Sinerissamut qanittumi aalisarnerup akitsuusersorneqalersinnaanera eqqartorneqarpoq aalisarneq pillugu siunnersuisoqatigiit ulloq 2. septembari 2014-mi ataatsimiinneranni nr. 160-mi, tassani kattuffiit susassallit tamarmik peqataapput. Aamma Kalaallit Nunaanni Inuussutissarsiortut ataatsimeeqatigineqarput ulloq 10. oktober 2014 kiisalu ulloq 30. april 2015.

7. Naalackersuisut aalisarnermi akitsuutinut eqqussiniarlutik 2016-imut pilersaarput, tamannalu aningaasanut inatsisissamut 2016-imut atuuttussatut eqqunniarlugu pilersaarput, paaserusupparalu sinerissami aalisartunut kikkunnut akitsuusiiniartoqarpat umiatsiaararsortut angallatillu tulaassuisut tassani aamma pineqarpaat?

Akissut: Avaleraasaqortuunut akitsuutit siammartikkat kiisalu ammassassuarnut akitsuutit nutaat ulloq 1. januaari 2016 atuutilertussat pillugit inatsisissatut siunnersuut Naalackersuisut saqqummiutissavaat UPA2015-mi atatillugu. Tassani ilaatinneqarput Tunumi aalisarnerit tamarmik. Kalaallit Nunaata kitaani aalisakkanik pineqartunik aalisarneq akitsuusersorneqassanngilaq.

8. Kiisalu 11.maj 2015 aningaasanut inatsisissaq akuerineqarmat oqaasertaani oqaatigineqarpoq aalisarnermi ingerlatsisut oqaloqatigineqalereersimasut, tassanilu kikkut oqaloqatigineqarpat?

Akissut: Aalisakkanut tamanut atuuttussaq akitsuusersueriaaseq nutaaq pillugu inatsisissatut siunnersuut UPA2016-mi saqqummiunneqarumaartooq naatsorsuutigineqarpoq. 2014-mi ukiakkut suleqatigiisitaq pilersinneqarpoq oqallisigeqqullugu aalisarnermi akitsuusersueriaaseq naliginnaasoq qanoq ineriartortinneqarsinnaanersoq.

Aningaasaqarnermut Naalackersuisoqarfik suleqatigiinnut aqutsisuuvoq allattaajutigaluni. Suleqatigiinni sinniisuutitaqarput aamma Akileraartarnermut Aqutsisoqarfik aamma Aalisarnermut, Piniarnermut Nunalerinermullu Naalackersuisoqarfik. Avataaneersut suleqataasut tassaapput Kalaallit Nunaanni

*Inuussutissarsiortut (qanga Kalaallit Nunaanni Sulisitsisut Peqatigiiffiat) KNAPK,
Royal Greenland, NUSUKA, SIK,
SQAPK, BankNordik aamma Grønlandsbanken.*

*Siorna qinersisoqartussanngorpat suleqatigiit atorunnaarsinneqarput.
Naatsorsuutigineqarpoq suleqatigiisit nutaat pilersinneqarumaartut 2015-mi ukiakkut.*

Inussiarnersumik inuulluaqqusillunga

Med venlig hilsen



Andreas Uldum